

استدلال

هفته ده بر دفعه نشر اولور حقوق و سیاسیاتدن باحث


عالی، ادبی مجموعه در

نومرو ۱

۴ ایلول سنه ۱۳۲۴

سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

علل دماغیه اطباسی ده وارد رکه جرم «روحك بر نوع خسته لکندن ، جمله عصبیه نك خلل پذیر اولمسنندن عبارتدر «دیرلر و مجازاتی ده بو خسته لکاره قارشی بر نوع علاج عد ایدوب فاعل جرمی ده دهشتلی بر مریض فرض ایدرلر .

یوقاریدن بری سرد ایستدیکمز ملاحظات و مسالکده بر قاج درلو افکاره تصادف ایدیلیر . اولاً ، هیئت اجتماعیه طرفندن اجرا ایدیلاں قوانین جزائییه نك برمدافعه مشروعه یه استناد اتمسی ، ثانیاً قوانین جزائییه نك ، قوانین الهیه دن معدود اولمسی ثالثاً قوانین جزائییه نك بر مقاوله اجتماعیه یه مستند بولمسی رابعاً قوانین جزائییه نك توزیع عدالت ایلمسی ، فمالغك فئالق ایله منع ایدلمسی فکرندن منبعث بولمسی خامساً قوانین جزائییه نك غایه سی هیئت اجتماعیه یه مضر اولدینی قدر افرادندن بر خسته نك کندینه ده مضر تی درکار اولان مرضی تشفییه ایتمکدن عبارت اولمسی در حق مجازاته متعلق نظریات اشته بونلردن عبارت اولوب بونك منافع عمومیه دن منبعث و بتان مسلک نك مردود بولادینی مقاله آتییه مزده ایضاح ایلیه جکر .

سعاد مختار

مرکزیت وعدم مرکزیت اصولاری

جمعیت اینجده عامه جه مطاع اوله جق بر قوه عمومیه نك قطعیت لزومی ، اسباب طبیعیه و حکمیات حقوقیه یه کمال موافقی و ارسته قید ایضاحدر .

مونتسکیونك «جمعیت ، قوه عمومیه سز یشایه ماز» و «اکیسون» ده «باشسز ملت اوله ماز» اقوال حکیمانه لری اشبو حقیقت اجتماعیه و سیاسیه نك درجه بداهتی برقات دها اعلا ایدر حکومت مشروطه ده اشبو قوه عمومیه نك قوه اجرائیه و تشریعیه یه انقسام ایلدیکنی باشقه بر مقاله مزده بیان و ایضاح ایلمشدك .

بوراده کی موضوع بحثمز یالکمز قوه اجرائیه دها طوغریسی قوه مذکوره نك

متشکل اولدینی حکومت ، اداره و عدلیه شعباتندن یالکز ایکی اولکیسیدر . احوال ظاهریه مؤسس بر نظریه کوره حکومت ایله اداره غیر قابل تفریق اولوب برنجیسنک ایکنجی بی تماماً بلع ایدجک درجده احاطه ایلدیکی ادعا اولمقده در . هر حالده اشبو ادعائک نفس الامر ، طبیعت اشیا به اولان عدم موافقی جای تردد اوله ماز . چونکه قوه اجرائیه نك بر شعبه متمم سی اولوب مملکتک ترقیات داخلیه و احوال و مناسبات خارجیه نك تأمین حسن جریانیه مأمور بولنان حکومت ایله بونک برلاحقه طبیعیه سی اولان و قوانین و تعلیمات عمومیه ایله اوامر و مقررات حکومتک تطبیق و اجراسنه اشتراک ایدن وسائط سیاسیه نك هیئت مجموعه سندن تشکل ایدن اداره اره سنده برارتباط قوی و طبیعی موجود اولمقله برابر یکدیگریه تمامی انطباقی ادعا ایلمک هیچ بروقت طوغری اوله ماز . مشهور . « ماقارل » جمعیتک رأسی حکومت ایسه بازوسی دخی قوه اداره در « دیهرک قوه اجرائیه نك اشبو ایکی جزئی آراسنده کی فرق و اختلاق برقات دها مرتبه وضوحه ایصاله غیرت ایلمشدر . مع مافیه موضوع مقال اولان فرق و اختلاف یالکز نظریاتده قالمیوب تطبیقائده دخی هر یرده احکام متعدده قانونیه ایله فعلاً تأیید و تصدیق قلنمشدر . فرانسه ده ۱۸۵۲ تاریخنده نشر و اعلان اولنان قانون مقدمه سنده « اوزاقدن اجرای حکومت نه قدر موافق ایسه یقیندن دخی اداره امور اوقدر مناسبدر . اجرای حکومت ایچون قاعده مرکزیه رعایت نقدر لازم ایسه تماماً قوه اداره به عائد افعال و حرکات ایچون دخی قاعده عدم مرکزیه تبعیت اولقدر ضروریدر .»

فقرائی مندرج اولدینی کبی الیوم آوروپا حکومتلرنده والینک اداره مرکزیه نك مأموری ، ولایتک مدیر مستقلی و منافع محلیه نك وکیل نظامیه سی صفتلرینه مالک اولسی حکومت ایله اداره نك آری آری ایکی شی اولدینی اثباته کفایت ایدر . ایشته ، مسرودات واقعه دن مستبان اولدینی وجهه مختلف ایکی شعبه اجرائیه تشکیل ایدن حکومت ایله اداره نك معین و آری اولسی اقتضا

ایدن دائرة حق و صلاحیتلرینک تحدید و توسیع ایلمسندن مرکزیت و عدم مرکزیت اصول اداره لری رونما اولمشدیر .

اصول مرکزیت ولایاتک حیات خصوصیه و مدنیه لرینه متعلق اولان امور و مسائل محلیه ده حق اجراء حق قرار و حق قضایی اداره مرکزیه به ترک و تخصیص ایلمکدن عبارت اولدییکی عدم مرکزیت اصولی دخی امور و مسائل مذکورده ده مجالس محلیه نیک دائرة مأذونیت و صلاحیتلرینی آز جوق توسیع ایدرهک ولایاتک قوه مرکزیه به اولان مربوطیت اداره لرینی تحدید و «یقیندن اداره امور» قاعده مستحسنه سنک مقتضیانه توفیق حرکت ایلمکدن عبارتدر اشبو تحدید مربوطیتی و یا خود قانون اساسیه نیک تعبیرنجه توسیع مأذونیتی، حقوق دول ایله مملکتک تشکلات سیاسیه سی تعیین ایدن حقوق اساسیه احکامنه تابع اولان مختاریت اداره و یا حاکمیت داخلیه ایله قارشیدرمقدن کلیاً توقی ایلمک ایجاب ایدر . مختاریت اداره و یا حاکمیت داخلیه به نائل اولان ممکتلر نیم مستقل حکومتلر اولوب آنجق مناسبات خارجه لرند حکومت متبوعه و حاکمه لرینه منقاد اولملری اقتضا ایدرسده آنلرک قوانین و نظامات داخلیه سنه عرض تبعیت ایلمک مجبوریتنده دکلدردر . حالبوکه عدم مرکزیت اصولی منافع عمومیه مملکته عائد اولان قوانین و تعلیماتک عموم ولایاته تشمیل احکامنه مانع اولمقدن بشقه اشبو موضوعات قانونیه به ولایاتک تماماً مطاوعتی دخی مجالس عمومیه نیک صلاحیتدار اولدقلری مواده اتخاذ ایدرجکلی مقرراتی تعلیق و یا ابطال ایدره بیلیمک خصوصنده اداره مرکزیه نیک حازر بولندینی حق نظارت و تفتیش ایله تحت تأمینه آلمشدیر . بوصورتله عدم مرکزیت اصولنه توفیقاً دائرة اقتدار و صلاحیتی کسب توسع ایدن مجالس محلیه نیک قوانین و تعلیمات عمومیه به و حقوق مشروعه افراده مغایر اوله رق اتخاذ ایدرجکی مقرراتی اداره مرکزیه فسخ و ابطال ایدره بیلدیکی کبی مقررات متخذدن متضرر اولان افراد دخی قوه مرکزیه به ، شورای دولته و یا خود طوغریدن طوغری به امور ولایتک حق تفتیشنه مالک اولان والیه مراجعت ایدره بیلور . شوقدرکه اداره مرکزیه شرائط قانونیه به موافق اولمیان مجالس محلیه

مقرراتی فسخ و ابطال ایده بملکه برابر آنلرک یرینه بشقه بر حکم و قرار اقامه ایده من. منافع عمومی مملکته ارتباط قویلری حسبیله حاز اهمیت عظما اولان مسائل محلیه ایله ماهیتلری اقتضاسنجه منافع سیاسی و اقتصادی عمومییه تعلق ایدن مسائل دینییه و مذهبییه نك قوه مرکزیه به ترك و حواله سی ایسه حکمت اداره مقتضیاتنددر.

فرانسه ده وعده سی اون بش سنه نی متجاوز بر استقراض محلینك عقدی و سنوی بودجه ده تعیین اولنان حداظم خارجده فوق العاده «سانتیملرک» طرحی مسئله لری اداره مرکزیه ویا قوه تشریعیه نك اول امرده استحصال مساعده سنه متوقف مواردنددر. حکومت مذکوره ده مجالس محلیه نك مستقلاً دائرة صلاحیتنه داخل اولان مواد ایسه؛ ولایتک اموال منقوله و غیر منقوله سیله محلی یوللر و شمند و فیرلرک اداره سی، اسکی یوللرک ابطالیله یکیلرک احداثی، شرکتلره امتیازات محلیه نك اعطای، حکومت طرفندن اجرا اولنه حق امور نافعده ولایتک حصه اشتراکنک تعیینی وبعده اشبو حصه نك نواحیه تقسیمی ولایت طرفندن له ویا علیهنه اقامه اولنه حق دعوالرک اداره سی، اوقترا رسمنك وضعی و سائر کبی طوغیریدن طوغیری به ولایتک حیات مدنییه سنه متعلق اولان امور و مسائلدن عبارتدر.

فرانسه اختلال کبیری اولوقته قدر جاری اولان اصول مرکزیتی ایضا وادامه ایلمش ایسه ده مؤخرأ قاعده مرکزیتک افراط و تفریط درجه سنه ایصال اولنان سو، تطبیقاتنه قارشو رفع آوازه شکایت ایدن مطبوعات ایله ارباب حقوقک نشریات واقعه سی سایه سنده ۱۸۳۳ تاریخنده ولایات مجالس عمومییه سنک انتخاب صورتیه تعیینی تقرر ایدرک عدم مرکزیت وادیسنده بو صورتیه ایلك خطوه آتمش اولدی. ۱۸۵۲ تاریخنده نشر اولنان قانون موجبنجه دخی مستدعیات ایچون قونلمش اولان فضیله مهاتلرک تنقیصی و قیود سائر رسمیه نك الغاسی مقصدینه مبنی اکثر مسائل محلیه ده قوه مرکزیه به عائد اولان اعطای ماذونیت حتی قوه مذکوره نك مأمورلری بولنان والیرله تودیع ایدیلهرک والیرلرک توسیع

دائرة صلاحیتی جهته کیدلمشدی. اداره مرکزیه نك حقوقی اداره مذکوره به متابعتله مکلف و مقید بولنان والیرله انتقال استبدیر مکن عبارت اولان اشبو تعدیل و اصلاحه عدم مرکزیت دنیلیمبوب عدم تمرکز *déconcentration* نامی ویرلمشدر. فرانسه ده اصول مرکزیه به الك جدی الك واسع تعدیلاتی اجرا ایدن قانونلر آتجق ۱۸۶۷ و ۱۸۷۱ تاریخلرنده نشر و اعلان ایدلمشدر. اشبو قوانین موجبجه مجالس محلیه نك دائرة اقتدار و صلاحیتی این دن این به توسیع و حکومت مرکزیه نك استحصال مساعده سنه متوقف اولان مسائل محلیه نك عددی خیلیدن خیلی به تنقیص ایدیلرک «وصایت اداره مرکزیه» به خاتمه چکلدی ایوم فرانسه ده ولایات مجلس عمومیلری قوه تشریعیه نك وکیللری صفتیه سنجقلره تکالیف بلاواسطه بی تقسیم و حسابات عمومیه بی بالتدقیق والیرک صورت اداره سنی تفتیش و بر خیلی مسائله بیان رأی و مطالعه ایده یلمک صورتیه والیرک مشاورلری وظیفه سنی ایفا ایده کلدکری کبی ولایتلرک طوغریدن طوغری به وکیل نظامیلری صفتیه اکثر امور محلیه نك حل و تسویه سی حقنده قطعی و یاغیر قطعی مقررات دخی اتخاذ ایده بیلور .

اشبو مقررات حکومت مرکزیه (حکومت و یاخود والی) طرفندن برمدت معینه ظرفنده تجاوز حدود صلاحیت سبیدن طولانی تعلیق و یاخود ابطال ایدلمز ایسه رأساً موقع تصیقه وضع اولمش نظریله باقیلور .

فرانسه ده الحاله هذه مرعی الاجرا اولان اصول مرکزیتک صورت تأسس و جریانی حقنده بوضوئله برایکی سوز سوبلد کدن صکره اصول مذکوره نك شرائط اساسیه سی ، محسنات و مخاذیرینه دأر بر آر بیان مطالعه ایلیمکی مناسب کور بیورز . اصول مرکزیت اهالی بی صلاحیتدار اولان قوته یاقلاشدیره رق اوزون مهلتلر و قیود زانده سارزه ایله بهوده بر زمان افاته ایدلمشدر . مانع اولدقدن بشقه ولایتک احوال خصوصیه و مدنیه سنه تعلق ایدن امور و مسائلی تفصیلات و تشریحاتنه وارنجیه قدر احاطه خصوصنده الک زیاده صلاحیتدار اولان مجالس محلیه به ترک وحواله ایلیمک صورتیه « یقیندن اداره امور » قاعده سنک

قوائد عديده سنی دخی تأمین ایلم مسائل مذکورده قوه ابتدائی بی، حق تکلیف وقراری مجالس مباحث و عنایه تخصیص ایتمک ولایاتک استعداد و ترقی و تکمیلک علی قدر الامکان کسب انبساط ایتمسی تأمین دیمک اولدینی غیر قابل ارتیابدر . شو قدر که اصول مشروحه قاعده مرکزیتک تشکلات اساسیه اداره به عائد لولان قواعد اصلیه سنی کوزتمک قید مخصوصیه مقید اولمق ضروریاتنددر عکس تقدیرده آنهک عمومی و وحدت اداره دوجار تغیر و تزلزل اوله رق حسن انتظام داخلی ، قوت وسطوت عمومیه تحت تهدیدده قلمش اولور . بناء علیه بر طرفدن مجالس محلیه نک حق تکلیف ورؤیتنی قبول ایتمکله برابر دیگر طرفدن قوانین و تعلیمات عمومیه نک مرعیت احکامنی تأمین ایتمک و منافع خصوصیه بی مجاوازا ملحوظه دن وقایه ایلمک اوزره اداره مرکزیه به جدی بر حق نظارت و تفتیش ویرمک لابد در والحاصل عدم مرکزیت اصولی فوق العاده نازک بر مسئله اداره اولوب اهالینک ترقیات سیاسیه واجتماعیه و قابلیت مدنیه سیله متناسب اولمسی و مرکزیت اصولنک افراط و تفریط و اجرای اسندن طبعی الحصول اولان محاذیر و سیئاته میدان ویرمامک شرطیه اداره مرکزیه نک حد لاقتدن افزون حکم و نفوذ مادی و معنویسنه ایراث نقیصه ایتمکدن بجا نبست اولمسی حکمت اداره ایجاباتنددر .

سوخته زاده : احمد

خنده و کریه :

مأمورین تسبیقاتی

برارشون بوینده کلهل اعمال و استعمالی امتیازینی آلمانلره آوستریالیلره و برنلر قانون اساسیمزک دیلمزده ایقاع ایلدیکی عکس عمله واقف اولمیانلردر . اشته سزه بر « تسبیقاتزدکان » لفظی که تام بر دوزینه حرفدن مرکب . ایلمک اول صفوتی ضیا قرنداشمز بوکلینی قوللانمق مجبوریتمز الیمسنه قاتلانندی ؛ شهسز ایستیمه رک یازدی . فقط یازدی . بز بو ترکیبده بر نکاح صحیح دکل ، بر ازدواج مدنی سیله کوره میورز . حتی - آجیق سویلیلم - بو بر اتحاد غیر مشروع .